



PERSADA

Amanat Naib Canselor

*“Komitmen Bersama Ke Arah
Kecemerlangan”*

Profesor Dato' Dr Mohamad Kadim Suaidi

*MAGU Iktiraf Pekerja
Cemerlang*

*Inaugural Lecture :
Congenital Limb
Deformity: Replace,
Repair or Remove*

*Datuk Azman Ismail
Seru Pelajar Yakin
Diri*

**Projek
Penyelidikan
Pelepasan Penyu
di Pandan Lundu**



Arkib

LG

173

K63

P466

2016

Jan-Jun

Bil.50

BUL



1000272871

04 AMANAT NAIB CANSELOR 2016: EMPAT FOKUS STRATEGIK JADI KEUTAMAAN



Sidang Redaksi

Penasihat

Profesor Dr Kopli Bujang

Ketua Editor

Profesor Madya Dr Fitri Suraya
Mohamad

Editor

Sabrina Mahili
Sarena Haidir
Yulhardy Budiman

Pereka

Amzar bin Ashari

Jurufoto

Mohd Haimey Abd Razak
Azlandy Mohammid Ali Tuah

Edaran

UNIMAS Chancellory

Penerbit

UNIMAS Publisher

unimasofficial_Instagram

<https://mz-my.facebook.com/unimasofficial>

<https://twitter.com/UNIMASofficial>

KANDUNGAN

06 SMK SARATOK 2 DIPILIH SEKOLAH ANGKAT PERTAMA UNIMAS

07 CSR UNIMAS RANGSANGKAN KEMAHIRAN PELAJAR

08 DATUK AZMAN ISMAIL SERU PELAJAR YAKIN DIRI

12 MAGU IKTIRAF PEKERJA CEMERLANG

13 INAUGURAL LECTURE : CONGENITAL LIMB DEFORMITY: REPLACE, REPAIR OR REMOVE

14 PASUKAN KAYAK UNIMAS RAIH TEMPAT SEPULUH TERBAIK

07 CSR UNIMAS RANGSANGKAN KEMAHIRAN PELAJAR



05 ADVOKASI ILMUWAN : WAJAH PENYELESAIAN ISU NEGARA



Arshub
LG
173
K63
P466
2016
Jan-Jun
Bil.50
5UL

08 DATUK AZMAN ISMAIL SERU PELAJAR YAKIN DIRI



12 MAGU IKTIRAF PEKERJA CEMERLANG



06 SMK SARATOK 2 - SEKOLAH ANGKAT PERTAMA UNIMAS



15 TIGA ATLIT UNIMAS WAKIL SARAWAK DALAM MAKSAK KEBANGSAAN

16 SFCF UNIMAS TARIK 8,000 PENGUNJUNG

17 INTEX16 : MEDAN PENYELIDIK TONJOL INOVASI R&D

18 Surau Abdul Rahman Ibnu Auf dirasmikan

19 ASET BAHARU DEMI KESELAMATAN KAMPUS

20 UNIMAS PERINTIS KEPADA PUSAT JAGAAN KANAK-KANAK DI TEMPAT KERJA

21 DELEGASI BANK DUNIA ANJUR CERAMAH KHAS DI UNIMAS

22 AGIHAN SERIBU BEKAS BUBUR LAMBUK ERAT SILATURRAHIM

23 PENYU HIJAU KEMBALI KE LAUTAN

24 LONJAKAN PENDIDIKAN TINGGI NEGARA MENERUSI 'SOARING UPWARDS'

25 NGEMANSANGKA PENGAWA BETENUN BA SIDA KE INDU

26 HADIAH BIASISWA UNTUK PELAJAR INDONESIA



AMANAT NAIB CANSELOR 2016: EMPAT FOKUS STRATEGIK JADI KEUTAMAAN

Empat fokus strategik menjadi keutamaan dalam Pelan Strategik UNIMAS 2016-2020 yang telah diuar-uarkan semasa Majlis Amanat Naib Canselor, Profesor Dato' Dr Mohamad Kadim Suaidi pada 3 Februari 2016 bertempat di DeTAR PUTRA UNIMAS.

Profesor Dato' Dr Mohamad Kadim berkata empat fokus itu ialah kecemerlangan dalam pendidikan dan latihan, kecemerlangan dalam ekosistem inovasi, kesohoran global dan portfolio kewangan lestari.

Menurut beliau, pelan tersebut merupakan idea dan inspirasi dari beberapa siri keterlibatan staf pelbagai peringkat dan kategori dalam usaha memastikan universiti ini terus mencapai kejayaan dan kecemerlangan yang berkekalan.

Jelasnya lagi, pelan berkenaan juga dijajarkan dengan aspirasi dan agenda yang digariskan di dalam PPPM(PT) 2015-2025, untuk memastikan UNIMAS sebagai universiti awam, terus menyokong falsafah pendidikan negara dan agenda-agenda kerajaan yang membawa kepada penyelesaian isu dan masalah berkaitan komuniti setempat, negara dan global.

"Pelan Strategik UNIMAS 2016-2020 digubal berlatar-belakangkan keunikan UNIMAS di Malaysia dan Borneo serta sumbangan universiti yang berterusan dalam membantu menjamin kelestarian komuniti pelbagai dan terpisah," katanya.

Beliau berkata, strategi-strategi yang relevan dan pelan tindakan yang berkaitan telah dihasilkan melalui pelan tindakan yang berfokus dan terancang, hasil komitmen semua warga kerja UNIMAS.

Menurutnya lagi, Pelan Strategik UNIMAS ini akan didokong oleh empat fokus strategi, tiga belas komitmen dan 24 inisiatif yang akan dipantau dan diukur melalui satu sistem data bersepadu yang akan dibangunkan oleh Pusat Perancangan Strategik dan Pengurusan Kualiti (SQC).

Amanat dari Naib Canselor tahun ini bertemakan "Komitmen Bersama Ke Arah Kecemerlangan" yang mana turut mengimbas beberapa pencapaian universiti sepanjang tahun lepas.

Majlis Amanat Naib Canselor turut dihadiri oleh Pengerusi Lembaga Pengarah UNIMAS, Datu Dr Hatta Solhi dan Pengarah Unit Pengurusan Prestasi dan Pelaksanaan (PEMANDU) Dato' Dr Amin Khan, yang juga ahli pengarah UNIMAS.

ADVOKASI ILMUWAN

Sudah Sejahterakah Rakyat Sarawak?

MAJLIS PROFESOR NEGARA

UTUSAN MALAYSIA



ADVOKASI ILMUWAN : WADAH PENYELESAIAN ISU NEGARA

UNIMAS menjadi lokasi ke-sembilan yang dipilih bagi menjayakan forum Advokasi Ilmuwan, yang berlangsung di Panggung Eksperimen, Universiti Malaysia Sarawak (UNIMAS).

Forum berkonsepkan ilmiah tersebut merupakan anjuran Majlis Profesor Negara (MPN), Utusan Malaysia, Radio Televisyen Malaysia (RTM) dan UNIMAS dengan dihadiri oleh wakil-wakil daripada Institusi Pengajian Tinggi di Kuching dan Kota Samarahan, pensyarah, staf dan pelajar UNIMAS.

Empat panel telah dijemput untuk terlibat di dalam forum ini iaitu Menteri Muda Pembangunan Belia (Bandar) dan Menteri Muda Perumahan Sarawak, YB Datuk Hj Abdul Karim Rahman Hamzah, Pensyarah UNIMAS, Profesor Madya Dr Neilson Ilan Mersat dan Profesor Madya Dr Jeniri Amir serta Pensyarah Undang-undang Universiti Islam Antarabangsa Malaysia (UIAM), Profesor Madya Dr Shamrahayu Ab Aziz.

Forum selama lebih kurang dua jam ini telah dikendalikan oleh Datuk Zaini Hassan, Penolong Ketua Pengarang 1 Kumpulan Utusan selaku pemudahcara untuk perbincangan sekaligus mencari penyelesaian isu yang dibincangkan.

Lokasi lain sebelum ini untuk forum sama ialah Utusan Malaysia, Universiti Kebangsaan Malaysia (UKM), Universiti Sultan Zainal Abidin (UniSZA), Universiti Pendidikan Sultan Idris (UPSI), Universiti Malaysia Kelantan (UMK), Universiti Utara Malaysia (UUM) dan Universiti Teknikal Melaka (UTeM).

Beberapa siri aktiviti Advokasi Ilmuwan bersama masyarakat di Sarawak (Kawasan Penyelidikan) yang turut dijalankan oleh MPN bersama UNIMAS dan Universiti Teknologi MARA (UiTM) termasuklah program penyelidikan dan aktiviti bersama komuniti di Mulu, Kapit, Sibu, Lundu, Mukah/Dalat, Bau dan Kuching.





SMK SARATOK 2 SEKOLAH ANGKAT PERTAMA UNIMAS

SMK Saratok 2 telah dipilih menjadi sekolah angkat angkat pertama dari Sarawak oleh Universiti Malaysia Sarawak (UNIMAS).

Menurut Naib Canselor UNIMAS, Profesor Dato' Dr Mohamad Kadim Suaidi sekolah tersebut dipilih sejajar dengan usaha universiti untuk terus relevan sebagai pusat kecemerlangan ilmu dan penyelidikan, bukan sahaja kepada warga kampus tetapi turut mencakupi kelestarian komuniti pelbagai dan terpisah.

"UNIMAS sebagai peneraju pendidikan tinggi di Sarawak, amat berbesar hati menjadikan sekolah ini sebagai sekolah angkat pertama kami di Bumi Kenyalang.

"Pemilihan UNIMAS oleh Majlis Peperiksaan Malaysia (MPM), merupakan satu pengiktirafan kepada universiti, dalam mewujud dan memantapkan jalinan kerjasama, antara sekolah dan universiti awam, bagi melonjakkan kecemerlangan sekolah dalam semua bidang," katanya lagi.

Beliau percaya dengan pengalaman dan kepakaran yang ada di dalam universiti, akan dapat menyumbang kepada pembangunan akademik dan fizikal SMK Saratok 2.

Selain itu, Naib Canselor berkata, bagi UNIMAS sendiri, kewujudan SMK Saratok dilihat sebagai peluang terbaik untuk memperkenalkan UNIMAS sebagai universiti pilihan pelajar, khususnya dari Daerah Saratok untuk mengikuti program-program pengajian ijazah sarjana muda.

Katanya, manakala di pihak sekolah, penglibatan UNIMAS sudah tentu akan memberi impak yang besar kepada warga pendidik, pelajar dan masyarakat, khususnya dalam mengoptimumkan aspek kebitaraan yang berupaya menyerlahkan fungsi dan kewibawaan sekolah.

Turut hadir dalam majlis perasmian tersebut ialah Ahli Dewan Undangan Negeri Kalaka (N33), Dato Abdul Wahab Aziz, Timbalan Naib Canselor Hal Ehwal Pelajar dan Alumni, Prof Mohd Fadzil Abd Rahman, Timbalan Naib Canselor Penyelidikan & Inovasi, Prof Dr Kopli Bujang, Penolong Pegawai Pendidikan Daerah Saratok, Encik Soontik ak Changkan, Pengetua SMK Saratok 2, Tuan Haji Abg Adrus bin Abg Junidi.



CSR UNIMAS RANGSANGKAN KEMAHIRAN PELAJAR

Komuniti ke arah kesejahteraan Itulah tema bagi program CSR UNIMAS bersama pelajar dari Sekolah Kebangsaan Buntal.

Pelbagai aktiviti diadakan sepanjang CSR berlangsung antaranya latihan Choral Speaking oleh Pusat Pengajian Bahasa, berigkel Mind Map STEM (Sciences, Technology, Engineering dan Mathematic), ceramah motivasi pelajar dan seminar keibubapaan.

Kesinambungan kepada usaha membantu sekolah-sekolah mempertingkatkan pencapaian akademik terutama subjek STEM. UNIMAS berhasrat untuk mengambil SK Buntal sebagai sekolah angkat di bawah kendalian UNIMAS STEM Education Lab.

Turut diadakan ialah ceramah keibubapaan anjuran Persatuan Ibu Bapa Guru (PIBG) yang dikendalikan oleh Profesor Dr Mohd Sharif bin Mustafa, dari Fakulti Sains Kognitif dan Pembangunan Manusia dan antara tujuan ceramah adalah untuk

memberi kesedaran kepada ibubapa tentang peranan dalam meningkatkan prestasi akademik anak mereka serta memahami cabaran terkini yang sering dihadapi oleh ibubapa.

UNIMAS juga telah melibatkan pelajar-pelajar Pelajaran Seni Visual di dalam aktiviti melukis mural untuk mengira Body Mass Index (BMI) yang dikendalikan oleh Fakulti Seni Gunaan dan Kreatif dibawah tanggungjawab Dr Yaakup Rafiee.

Sementara itu, UNIMAS juga telah meletakkan satu papan tanda di Esplanade Buntal yang di reka khas oleh pensyarah, Dr Yaakup bin Rafiee dari Fakulti Seni Gunaan dan Kreatif dan mernaparkan perjuangan seorang perwira negara, Allahyarham 19151 TPR Rasli bin Buang (S.P), yang berasal dari Kampung Buntal.

Allahyarham telah terbunuh di dalam satu pertempuran dengan penganas komunis pada 6 Julai 1971 dan rakyat Malaysia yang kedua serta anak Sarawak yang pertama dikurniai

Bintang Seri Pahlawan Gagah Perkasa (S.P) pada 7 Julai 1972.


Satu sajak bertajuk "Seorang Perwira Dari Desa Di Pinggir Kota" yang dinukil khas untuk Allahyarham oleh Phora Abdul Hakim (1 November 2015) sebagai memperingati pengorbanan beliau turut dipaparkan di papan tanda tersebut.

Aktiviti ini juga adalah sebahagian daripada hasil projek transformasi komuniti UNIMAS "Pemerkasaan Pelancongan Desa & Komuniti Usahawan Kampung Buntal" yang diketuai oleh pensyarah dan Fakulti Sains dan Teknologi Sumber, En Abas Said, dibawah geran National Blue Ocean Strategi (NBOS) dan Rural Transformation Project (RTP).

Program Fakulti Ketua Pegawai Eksekutif telah dibincangkan dalam Mesyuarat Jawatankuasa Timbalan-timbalan Naib Canselor (Akademik dan Antarabangsa/Rektor (JKTNCRA) Bil 46. Pelaksanaan ini adalah seiring dengan Pelan Pembangunan Pendidikan Malaysia (2015-2025) yang berhasrat melahirkan graduan yang holistik dan seimbang serta membina jalinan hubungan kerjasama antara universiti dengan industri. Program ini dilihat sebagai ruang kepada golongan CEO tempatan berkongsi pengalaman mereka bersama pelajar di dewan kuliah sekaligus memberi pendedahan pelajar kepada golongan profesional.

Wartawan PERSADA sempat menemuramah CEO@Faculty Programme UNIMAS yang terpilih iaitu Pengarah Urusan Shell Malaysia Trading Sdn Bhd dan Shell Timur Sdn Bhd, Datuk Haji Azman Ismail mengenai program ini sekaligus nasihat kepada pelajar dan para graduan UNIMAS semasa Pameran Kerjaya dan Latihan Sarawak (SCATFAIR) 2016 di Kuching.

Seklas mengenai latar belakang Datuk Haji Azman Ismail. Beliau memulakan karier beliau bersama Sarawak Shell Berhad pada tahun 1986 sebagai 'Conceptual Design Engineer'. Selepas menghabiskan 10 tahun di Sarawak Shell Berhad dalam pelbagai jawatan, beliau membuat peralihan kepada sektor korporat dan kewangan Shell Malaysia sebelum memegang peranan rangkaian serantau dalam perniagaan hiliran. Datuk Haji Azman kemudiannya menyertai kumpulan perniagaan runcit Malaysia sebagai Pengurus Operasi dan Jualan Kebangsaan pada tahun 2004. Dalam tahun 2007, beliau dinobatkan sebagai Pengurus Cemerlang untuk 'Shell International Network Global Real Estate Center' sebelum dilantik menjadi Pengurus Jualan dan Operasi Negara. Datuk Haji Azman menyandang jawatan Pengarah Urusan Shell Malaysia Trading Sdn Bhd pada 1 Januari



DATUK AZMAN ISMA YAKIN DIRI

2010. Pada masa yang sama, Datuk Haji Azman juga Pengurus Besar Perniagaan Runcit menyelia peruncitan Shells Petroleum di Malaysia, Singapura, Brunei dan Hong Kong.

Sebagai Pengarah Urusan Shell Malaysia Trading Sdn Bhd dan Shell Timur Sdn Bhd, Datuk Haji Azman telah memimpin operasi hiliran Shell Malaysia serta perniagaan runcitan petroleum Malaysia, Singapura, Hong Kong dan Brunei. Beliau juga berperanan sebagai wakil Pemegang Shell untuk Bonuskad Loyalty Sdn Bhd dan pelbagai jawatan serta keahlian lain dalam syarikat Shell di seluruh Malaysia. Pada tahun 2012, Datuk Haji Azman telah dilantik sebagai Penggerusi PIMMAG, sebuah pertubuhan bantuan bersama untuk



AJIL SERU PELAJAR

tumpahan minyak untuk industri O & G. Pada 1 Januari 2013, Datuk Haji Azman telah dilantik sebagai ahli Lembaga Brunei Shell Marketing. Baru-baru ini, Azman telah dilantik sebagai Ahli Lembaga Pengarah MIROS (Institut Penyelidikan Keselamatan Jalan Raya Malaysia).

UNIMAS : Pendapat Datuk tentang SCaTFAIR?

Datuk Haji Azman Ismail : Pada pendapat saya, SCaTFAIR merupakan medium terbaik untuk menunjukkan jalan kepada para graduan dan pencari kerja di sana tentang peluang-peluang kerjaya yang ada.

Apakah program yang disediakan oleh Shell untuk membantu generasi muda yang berkebolehan dan boleh diangkat menjadi pemimpin pada masa akan datang?

Dalam SCaTFAIR kali ini, kita (Shell) telah membawa beberapa orang usahawan yang berjaya untuk memberi inspirasi ilmu kepada para graduan. Kita mahu menanam di minda para graduan bahawa kerjaya bukan sahaja bermakna kita hanya 'makan gaji' tetapi juga juga boleh muncul sebagai usahawan. Ini kerana, keusahawanan juga salah satu kerjaya yang menjanjikan pulangan baik kepada kita.

Apakah pendapat Datuk tentang Program Fakulti Ketua Pegawai Eksekutif (CEO@ Faculty Programme) dalam universiti di negara ini?

Saya amat berterima kasih kepada UNIMAS kerana memilih saya sebagai CEO program ini. Saya melihat



kemahiran yang perlu ada adalah pendirian yang tetap, yakin dengan diri sendiri dan mendapat sokongan daripada orang sekeliling...

program CEO ini sebagai satu peluang buat saya dan yang lain-lain dalam industri berbeza untuk kembali dan membantu pembangunan sumber manusia dalam menjadikan negara Malaysia yang lebih baik di masa hadapan.

Ini juga seperti menunaikan tanggungjawab kami untuk membantu membangunkan negara dan rakyat Malaysia.

Boleh Datuk terangkan sedikit tentang cara dan usaha yang diketengahkan di UNIMAS?

Antara yang menjadi keutamaan saya adalah peningkatan keboleh pasaran jumlah graduan UNIMAS. Kita menyediakan program perkongsian ilmu kerana kita mahu pelajar melihat dan merasakan pengalaman sebenar dalam pekerjaan. Kita pernah membuat bengkel dengan penyertaan lebih 70 orang pelajar UNIMAS dari pelbagai fakulti. Bengkel tersebut kita adaptasikan dengan pelbagai cara seperti kemahiran pengurusan, daya logikal, penyelesaian masalah dan sebagainya. Kita berikan mereka struktur program yang lengkap kerana kita mahu mereka belajar bekerja dalam kumpulan, mencipta idea dengan imaginasi sendiri dan menyelesaikan masalah dengan baik. Apabila kita bercakap tentang keusahawanan, ini adalah perkara-perkara yang perlu ada pada mereka. Kita mahu melihat Malaysia ini sebuah negara yang melahirkan ramai usahawan global pada masa akan datang.

Apakah kemahiran yang perlu ada pada seseorang graduan atau pelajar agar idea mereka mudah difahami dan diterima?



Dalam bengkel yang dianjurkan, kami meminta pelajar menyelesaikan kes-kes yang diberikan. Dalam mana-mana masalah atau kes, ia tidak ada jawapan yang sebenar tetapi kita mempunyai pelbagai pilihan dan cara penyelesaian. Tetapi jika kita percaya dan yakin dengan kaedah penyelesaian yang kita buat, kita juga dapat menyakinkan orang lain. Apa yang hendak saya katakan di sini, kemahiran yang perlu ada adalah pendirian yang tetap, yakin dengan diri sendiri dan mendapat sokongan daripada orang sekeliling.

Nasihat kepada bakal graduan UNIMAS?

Berfikiran terbuka tentang kemampuan diri dalam apa yang hendak anda lakukan. Yang penting adalah mendapat inspirasi dan belajar dari orang-orang yang telah berjaya.

KEPAKARAN PENYELIDIK BANTU PENDUDUK SEMULONG ULU

Menteri Muda Kementerian Pertanian Sarawak merangkap Ahli Dewan Undangan Negeri N31 Bukit Begunan, Datuk Mong Dagang telah merasmikan majlis pelancaran dan penyerahan projek mikro hidro Semulong Ulu, Lingga di Sri Aman pada 30 April lepas.

Projek tersebut merupakan inisiatif yang diambil oleh para penyelidik dari Fakulti Kejuruteraan UNIMAS yang mereka bentuk semula dan menjayakan projek asal mikro hidro dan berkuasa menjanakan elektrik sebanyak 3kW.

Pada awalnya, sistem tersebut hanya mampu bertahan untuk satu setengah tahun sahaja akibat penggunaan bahan-bahan mudah/ringkas dan murah serta sistem turbin buatan sendiri atas sebab peruntukan yang terhad.

Mempelajari kesan dari pengalaman tersebut dan potensi yang sangat cerah untuk menjana kuasa elektrik yang lebih tinggi dari sumber tenaga semulajadi iaitu hidro, yang sedia ada, ahli penyelidik Pusat Tenaga Lestari dan Boleh Diperbaharui (CREN) di Fakulti Kejuruteraan UNIMAS telah memohon kepada KKLW untuk membiayai satu projek mikro hidro di kampung tersebut.

Berdasarkan "UNIMAS Micro Hydro Community Based Framework" dan bersandarkan komitmen penduduk kampung yang sangat menggalakkan, CREN (UNIMAS) telah diberi tanggungjawab untuk mengendalikan dan membina Projek Mikro Hidro ini.

Tapak projek ini terletak di sebuah anak sungai Lingga dan dibina di pinggir air terjun Wong



Bayan dengan tujuan utama adalah untuk membina sambil membuat penyelidikan infrastruktur Mikro Hidro, penjanaan dan pembekalan tenaga elektrik menggunakan kuasa hidro (air) ke Rumah Panjang Laroh.

Untuk informasi, Rumah Panjang Laroh, Lingga, Sri Aman terletak di pedalaman Pinggir Bukit Lesung dengan jumlah penghuni sebanyak 35 buah keluarga.

Sejak tahun 1960 an lagi, kebanyakan penghuni rumah panjang ini menggunakan lilin, lampu, minyak tanah dan janakuasa elektrik diesel dalam kehidupan harian mereka.

Dengan adanya projek ini, janakuasa elektrik dapat disalurkan secara percuma menggunakan kuasa hidro dari air terjun Sungai Wong Bayan yang berdekatan dengan kawasan Kampung.

Ini sekaligus mengurangkan beban penduduk kampung yang tidak perlu lagi menggunakan janakuasa diesel yang memakan belanja besar dan mengeluarkan asap serta bunyi bising yang tidak menyenangkan di siang atau malam hari.

Bekalan elektrik ini boleh digunakan untuk kegunaan asas mereka seperti lampu, kipas angin, peti ais berkuasa rendah, televisyen, radio dan sebagainya selain boleh digunakan untuk memproses padi, lada, getah dan sebagainya pada waktu-waktu tertentu yang terancang.



MAGU IKTIRAF PEKERJA CEMERLANG

Seramai 123 orang staf UNIMAS menerima Anugerah Perkhidmatan Cemerlang (APC) 2015 sempena dengan Majlis Anugerah Gemilang UNIMAS (MAGU) yang telah disampaikan oleh Pro Canselor UNIMAS, Datuk Patinggi Tan Sri (Dr) Alfred Jabu anak Numpang bertempat di DeTAR PUTRA UNIMAS.

Majlis yang dianjurkan setiap tahun tersebut bertujuan mengiktiraf dan memberi ganjaran kepada sumbangan cemerlang para staf bagi kejayaan universiti dalam mencapai matlamat strategik serta mengangkat usaha memartabatkan insan-insan yang bertungkus-lumus menjaga reputasi universiti.

Selain itu, 151 orang staf lagi telah diberi Anugerah Perkhidmatan Setia (APS) 2015, 14 orang menerima sijil penghargaan selepas persaraan dan 73 orang menerima sijil pengiktirafan perkhidmatan 15 tahun.

Anugerah Kecemerlangan sukan bagi lelaki telah disandang oleh Kusairie bin Sajili dan kategori wanita disandang oleh Lyliana Abdullah@Cecilia Michael manakala anugerah galakan sukan disandang oleh Hardy bin Suntol.

Sementara Anugerah Pengurusan 2015 bagi anugerah kepemimpinan pengurusan dan profesional disandang oleh Puan Korina Ibrahim, anugerah kepemimpinan pelaksana disandang oleh Haji Afandi Haji Othman,

anugerah staf harapan pengurusan dan profesional disandang oleh Adam anak Francis, anugerah penghargaan pelaksana pula disandang oleh Jai bin Rasdi, Alias bin Baki, Mohd Faisal bin Abdullah, Sengah anak Nawas dan Sharkawie bin Alawie.

Selain itu, anugerah inovasi ICT pengurusan pula disandang oleh Bahagian Pentadbiran Am Pembangunan sistem eClips, anugerah webometrics disandang oleh UNIMAS Innovation dan Fakulti Sains Kognitif dan Pembangunan Manusia.

Manakala anugerah akademik terdiri dari anugerah pengajaran UNIMAS disandang oleh Haji Syahrul Nizam bin Junaini, anugerah pembelajaran Teradun UNIMAS disandang oleh Noorhaslina binti Senin, anugerah ahli akademik harapan UNIMAS disandang oleh Dr Shanti Faridah binti Salleh, anugerah penerbitan makalah dalam jurnal impak tertinggi UNIMAS (Sains) disandang oleh Profesor Madya Dr Khairuddin Sanaullah, Profesor Dr Amir Azam Khan dan Profesor Madya Dr David Perera.

Anugerah penerbitan makalah dalam jurnal impak tertinggi UNIMAS (Sains Sosial) pula disandang oleh Profesor Madya Dr Lo May Chiun dan Profesor Madya Dr Chen Chwen Jen dan anugerah inovasi dan pengkomersialan produk UNIMAS disandang oleh Profesor Dr M Shahidul Islam.



The Faculty of Medicine and Health Sciences (FMHS) UNIMAS hosted the Inaugural Lecture by Professor Dr Ahmad Hata Rasit at Dewan Syarahan, Pusat Islam Abang Salahuddin (PITAS), UNIMAS.

Professor Dr. Ahmad Hata a professor of Orthopaedic at the Faculty of Medicine and Health Sciences (FMHS) is also a renowned expertise in his field and recognised both locally and internationally.

His Inaugural lecture titled 'Congenital limb deformity: replace, repair or remove'. gave an overview about orthopaedics problem as well as limb reconstructive surgery especially paediatrics orthopaedics.

According to Ahmad Hata, congenital limb deformity occurs in approximately six per 10,000 live birth prominently affected the upper limb compare to lower limb.

These defects are often with other birth defects involving the craniofacial, cardiac and genitourinary systems.

"It is due to multiple causes, ranging from infectious, chemical, genetic, environmental or combination of them," he said.

Professor Dr. Ahmad Hata said it is also classified by one or combination of following mechanism, arrest of

developmental, failure of differentiation, duplication, overgrowth or other.

Professor Dr. Ahmad Hata added that the deformity is easily recognised and may need additional investigation such as radiography, ultrasound or genetic analysis.

The treatment can be offered depending on the severity of the deformity and it is can be treated by replacing it with artificial limb, surgical amputation, reconstruction on the limbs or combination of these.

This inaugural lecture is part of the Lecture series organised by the Office of the Deputy Vice-Chancellor (Academic and International) that provides a platform for our professorial staff to contribute to the academic world of the university through the medium of a public lecture. It is an opportunity for newly-promoted or recently appointed Professors to update colleagues and the general public on their current and future research directions. At the beginning of each year, the Deputy Vice-Chancellor invites newly appointed and promoted professors to give their inaugural lecture.

All inaugural lectures are printed in hard copies and interested members of staff and the general public may purchase the copies from UNIMAS Publisher.



PASUKAN KAYAK UNIMAS RAIH TEMPAT SEPULUH TERBAIK

Pasukan kayak UNIMAS berjaya menduduki tempat ketiga dalam kategori beregu campuran pada pertandingan Labuan International Sea Challenge 2016.

Ahli pasukan UNIMAS bagi kategori beregu campuran adalah Azratilai dan Sally Ann Yap Yu Ing.

Manakala dalam kategori perseorangan, Desmond Albert ak Andrew yang mewakili UNIMAS hanya berjaya mendapat tempat keempat manakala pasangan, Patrick Ann Bilong dan Clinton Ngawal Stephen mendapat tempat keenam bagi kategori lelaki.

Selain itu, pasangan beregu campuran UNIMAS, Ahmad Nazri bin Zainal Mokhtar dan Tipah ak Lihong pula menduduki tempat kelapan.

Kejohanan cabaran kayak tersebut merupakan anjuran Kementerian Pelancongan dan Kebudayaan Malaysia dan merupakan antara kejohanan sukan terbesar di Labuan yang menyediakan beberapa pertandingan sukan air pada 29 April sehingga 1 Mei lepas di Kompleks Sukan Air Antarabangsa Labuan.

Tasik seluas 40 ekar di kampus baharu telah dijadikan hab



sukan air UNIMAS semenjak kewujudannya dan menyaksikan pelbagai penganjuran bukan sahaja sukan air tetapi aktiviti seperti pertandingan memancing dan acara fotografi.



TIGA ATLIT UNIMAS WAKIL SARAWAK DALAM MAKSAK KEBANGSAAN

UNIMAS sentiasa menekankan kepentingan sukan dan gaya hidup sihat dalam kalangan staf universiti bagi memastikan persekitaran tempat kerja sentiasa kondusif dan positif. Penglibatan staf dalam sukan adalah amat digalakkan dan disokong sepenuhnya oleh pihak pengurusan. Sehubungan itu, sebuah majlis penyampaian sijil penghargaan dan sesi bergambar atlit olahraga MAKSAK UNIMAS bersama Pendaftar UNIMAS, Tuan Haji Abu Bakar Ibrahim telah diadakan bagi meraikan usaha staf-staf yang terlibat sebagai atlit dan mengharumkan nama universiti.

Secara keseluruhan, pada Kejohanan Olahraga MAKSAK Sarawak 2016, kontinjen UNIMAS berjaya menduduki tangga kedua dengan pungutan pingat sebanyak 10 emas, 12 perak dan 13 gangsa.

Kejohanan Olahraga MAKSAK Sarawak 2016 merupakan anjuran bersama Universiti Malaysia Sarawak dan Majlis Kebajikan dan Sukan Anggota - Anggota Kerajaan Sarawak (MAKSAK) bertujuan untuk memberi peluang kepada semua anggota – anggota kerajaan untuk aktif dan menonjolkan bakat mereka dalam sukan.

Dengan pencapaian tersebut, tiga orang atlit UNIMAS terpilih mewakili negeri Sarawak ke Kejohanan Olahraga MAKSAK Kebangsaan 2016 pada 14 hingga 17 April depan di Melaka.

Atlit yang terpilih adalah Kusairie Sajili (lelaki senior veteran) untuk acara 100m dan 4x100m, Roslie Remin (lelaki master) untuk acara 100m dan 4x100m dan Hardy Suntol (lelaki senior veteran) untuk acara 1500m.



Kebolehpasaran graduan adalah salah satu tumpuan utama universiti. Universiti diseru untuk memastikan graduan mempunyai potensi, ilmu dan kemahiran yang relevan untuk berjaya dalam karier selepas bergraduat.

Menyedari keperluan ini, UNIMAS dibawah pimpinan Pusat Pemajuan Pelajar menganjurkan SFCF. Lebih 8,000 pengunjung membanjiri UNIMAS sepanjang dua hari 'UNIMAS Innovation Career and Education Fair (SFCF UNIMAS-ICE) 2016' diadakan bertempat di Dewan Bankuet DeTAR PUTRA, UNIMAS.

SFCF UNIMAS-ICE2016 merupakan kali kedua telah diadakan oleh universiti ini dan kali ini ia telah dirasmikan oleh Pengurus Lembaga Pengarah UNIMAS, Dato Dr Hatta Solhi.

Program berkenaan anjuran 'Talent Corporation Malaysia Berhad (TalentCorp)' dengan Pusat Pembangunan Pelajar UNIMAS menjadi medan pemburuan kerja dan dijayakan sepenuhnya atas usaha pelajar UNIMAS dari peringkat perancangan sehingga penganjurannya.

Naib Canselor, Profesor Dato' Dr Mohamad Kadim Suaidi berkata "SFCF UNIMAS-ICE2016 merupakan antara ekspo karier terbesar di Borneo dalam usaha memastikan pihak industri dan akademik bekerjasama

dan menyumbang ke arah pembangunan negara.

"Dalam usaha menjadikan Malaysia sebagai sebuah negara membangun, adalah menjadi tanggungjawab kepada semua para intelektual untuk bekerjasama bagi menzahirkan Malaysia sebagai sebuah negara dinamik di mata dunia," katanya lagi

Katanya, UNIMAS sebagai sebuah universiti yang dinamik dan masih muda, akan terus memastikan para graduannya mendapat kebolehpasaran yang membanggakan.

Justeru itu, beliau menambah, UNIMAS akan terus memantapkan kerjasama bersama pihak industri dan juga komuniti setempat.

Turut hadir dalam majlis perasmian ini ialah Timbalan Naib Canselor Hal Ehwal Pelajar dan Alumni, Prof Mohd Fadzil Abdul Rahman, Timbalan Naib Canselor Penyelidikan dan Inovasi, Dr Kopli B Bujang, Pengarah Jabatan Tenaga Kerja Sarawak, Datu August anak Buma, Ketua Pembangunan Bakat Malaysia (Kebolehpasaran Graduan) TalentCorp, Siti Norliza Mohd Sahar, Dekan Pusat Pembangunan Pelajar, Profesor Dr Siti Raudzah bte Ghazali, Pendaftar, Dekan-dekan fakulti, Pengarah-pengarah bahagian dan Pegawai-pegawai serta kakitangan UNIMAS.



INTEX16 : MEDAN PENYELIDIK TONJOL INOVASI R&D

Tahun ini, sebanyak 241 produk teknologi dan inovasi telah dipamerkan menerusi 'Innovation Technology Expo 2016' (InTEX16) yang diadakan bertempat di DeTAR PUTRA, UNIMAS.

Daripada jumlah tersebut, 34 pingat emas telah disampaikan kepada para penyelidik disempurnakan oleh Timbalan Menteri Sains, Teknologi dan Inovasi, YB Datuk Dr. Abu Bakar Mohamad Diah.

Tahun ini, penyertaan para penyelidik dalam InTEX16 meningkat dan ia memberi gambaran yang cukup positif terhadap usaha UNIMAS untuk membudayakan penyelidikan dan inovasi dalam kalangan pensyarah dan pelajar.

Sejajar dengan misi dan visi penyelidikan UNIMAS untuk menjadi sebuah institusi yang tersohor dengan penyelidikan berkualiti, serta mendokong penyelidikan yang relevan kepada keperluan masyarakat. Ekspo penyelidikan UNIMAS diadakan setiap tahun untuk memberi peluang kepada penyelidik untuk mengetengahkan hasil penyelidikan masing-masing.

Ekspo ini merupakan kali kesembilan diadakan di mana tahun ini penjenamaan semula nama ekspo dilakukan dikenali sebagai "Innovation Technology Expo 2016" atau InTEX16 dan disertai bukan sahaja oleh penyelidik UNIMAS tetapi juga institusi pengajian tinggi awam dan swasta yang lain.

InTEX16 bakal membawa suasana baru kepada para pempamer yang bakal mempertandingkan poster dan hasil penyelidikan yang berpotensi untuk dibangunkan dalam menggarap keperluan penduduk persekitaran khususnya dan Malaysia umumnya.

Pelbagai program harian dijalankan sepanjang ekspo ini berlangsung seperti sesi-sesi perkongsian harta intelek dan inovasi oleh Perbadanan Harta Intelek Malaysia dan agen paten, ProIP Sdn Bhd. InTEX16 juga dijangka akan menerima kunjungan daripada individu serta kumpulan pelajar, penyelidik, industri, pelabur dan penduduk sekitar.



PENYU HIJAU KEMBALI KE LAUTAN

Dua puluh enam ekor penyu spesis Penyu Hijau atau nama saintifik *Chelonia Mydas* telah dilepaskan di pantai Pandan Lundu dengan majlis disempurnakan oleh Setiausaha Tetap Kementerian Pembangunan Sosial Sarawak, Encik Kameri Haji Affandi.

Encik Kameri dalam ucapan ringkasnya memberitahu program sedemikian merupakan usaha Kerajaan Negeri dalam memulihara keunikan khazanah sumber alam semula jadi.

"Pemuliharaan penyu bukanlah perkara baru bagi Sarawak malahan Sarawak mencatatkan rekod paling lama dan terbaik dalam pemuliharaan penyu di dunia apabila kurator Edward Banks mula menyimpan rekod pemuliharaan penyu pada tahun 1915.

Program sebegini adalah untuk mewujudkan populasi penyu hijau di persisiran pantai Lundu serta Sematan dan sekaligus kita berharap ia dapat meningkatkan industri pelancongan di kawasan ini," katanya lagi.

Beliau turut merasa bangga dengan kejayaan penyelidik dan semua staf UNIMAS yang

terlibat dalam program ini dan berharap agar langkah yang sama menjadi ikutan kepada pihak lain.

Pelajar PhD Sains dan Pengurusan Sumber Akuatik, Fakulti Sains dan Teknologi Sumber UNIMAS, Nurhatini Kamalia bt Yahya berkata, pelepasan penyu merupakan projek penyelidikan beliau sejak tahun 2014.

Beliau berkata, penyu-penyu berkenaan yang diambil dari Pulau Talang telah dilindungi dan dijaga sejak kecil sehingga membesar sebelum dilepaskan ke laut.

Pada bulan Disember tahun lepas, 39 ekor penyu yang sama telah dilepaskan di pantai berkenaan.

Turut hadir pada majlis tersebut ialah Dekan Fakulti Sains dan Teknologi Sumber (FSTS) UNIMAS, Profesor Madya Dr Othman Bojo, Pegawai-pegawai, Pensyarah-pensyarah UNIMAS, Pegawai-pegawai dan kakitangan Kementerian Pembangunan Sosial Sarawak dan masyarakat setempat.



ASET BAHARU DEMI KESELAMATAN KAMPUS

Bahagian Keselamatan UNIMAS mendapat 'durian runtuh' selepas menerima 22 buah kenderaan berupa dua buah kereta jenis Proton Preve, lima buah motosikal jenis Kawasaki Ninja 250cc dan 15 buah motosikal Yamaha Lagenda 115cc.

Majlis penyerahan kunci aset kendaraan baharu itu telah disempurnakan oleh Pengurus Lembaga Pengarah UNIMAS, Datu Dr Hatta Solhi bertempat di Padang Kawad, DeTAR PUTRA.

Naib Canselor, Profesor Dato' Dr Mohamad Kadim Suaidi berkata perolehan aset kendaraan baharu berkenaan menggantikan aset kendaraan lama yang telah berusia di antara 15 hingga 18 tahun sekaligus bagi menambah baik sistem kawalan keselamatan Bahagian Keselamatan UNIMAS.

Beliau berkata, usaha ini adalah signifikan dengan usaha universiti untuk mempersiapkan Bahagian



Keselamatan berkawal dan terus menjamin kesejahteraan kampus UNIMAS.

"Dengan adanya lonjakan ini, anggota Polis Bantuan UNIMAS bukan sahaja berfungsi sebagai mata dan telinga kepada agensi keselamatan yang lain tetapi sebagai pembantu yang efektif dalam mencegah jenayah di kampus dan seterusnya menurunkan kadar jenayah dan kesalahan pelanggaran peraturan sekitar kampus," tambah beliau lagi.



UNIMAS PERINTIS KEPADA PUSAT JAGAAN KANAK-KANAK DI TEMPAT KERJA

Taska pertama dalam universiti awam di Sarawak telah dirasmikan pembukaannya oleh Menteri Kebajikan, Wanita dan Pembangunan Keluarga Sarawak, YB Datuk Hajah Fatimah Abdullah pada 12 Mac lepas.

UNIMAS menjadi universiti awam pertama di Sarawak yang menubuhkan sebuah taska untuk jagaan anak-anak kakitangan universiti ini sekaligus perintis kepada pewujudan pusat jagaan kanak-kanak di tempat kerja.

"Inisiatif ke arah penubuhan Taska UNIMAS bermula sejak tahun 2001 iaitu bermula dengan penubuhan Tadika UNIMAS di kampus timur sebelum operasi tadika itu dihentikan pada tahun 2012," kata Naib Canselor UNIMAS, Profesor Dato' Dr Mohamad Kadim Suaidi.

Beliau berkata penyiapan Pusat Islam Tun Abang Salahuddin (PITAS) pada tahun 2013 yang dirasmikan pada awal 2014 oleh Mantan Tuan Yang Dipertua Negeri Sarawak menyaksikan pembukaan semula operasi taska UNIMAS.

Setakat ini terdapat lebih kurang sembilan bayi bawah umur setahun, 13 orang kanak-kanak berusia 1 hingga 2 tahun manakala selebihnya 30 orang kanak-kanak berusia 2-4 tahun.

Beliau berkata, setelah dua tahun beroperasi, permintaan para ibu bapa staf UNIMAS sangat menggalakkan, malahan ada yang perlu dimasukkan ke dalam senarai menunggu.

Sementara itu, Datuk Hajah Fatimah menyeru semua pihak memberi sokongan kepada wanita yang bekerjaya kerana mereka mempunyai tanggungjawab bukan sahaja sebagai isteri tetapi juga ibu dan pekerja.

Beliau berkata, hasil kajian yang dilakukan sebelum ini mendapat kebanyakan wanita berhenti kerja disebabkan masalah penjagaan anak-anak mereka.

Oleh itu, katanya, inisiatif UNIMAS memperkenalkan taska di universiti ini adalah bertepatan dalam menyahut seruan kerajaan membantu wanita yang mempunyai kerjaya.

WORLD BANK

DELEGASI BANK DUNIA ANJUR CERAMAH KHAS DI UNIMAS


Delegasi Bank Dunia telah mengadakan lawatan sekaligus ceramah khas ke UNIMAS.

Ceramah khas telah disempurnakan oleh Ketua Ekonomi Wilayah Pasifik dan Asia Timur Bank Dunia, Dr Sudhir Shetty bertempat di Pusat Islam Tun Abang Sallahudin (PITAS) UNIMAS.

Ceramah bertajuk 'Growing Challenges in East Asia and the Pacific Region' itu berlangsung selama satu jam termasuk sesi soal jawab dari para hadirin.

Para delegasi dari Bank Dunia tersebut turut disertai oleh Ketua Ekonomi, Dr Julio E.Revilla, dan Ekonomi Kanan, Rafael Munoz Moreno.

Turut menemani delegasi berkenaan ialah Timbalan Setiausaha Kerajaan Negeri (Operasi), Datu Ose Murang, Timbalan Naib



Canselor UNIMAS (Hal Ehwal Pelajar dan Alumni), Profesor Mohd Fadzil Abdul Rahman, Dekan Fakulti Ekonomi dan Perniagaan UNIMAS, Profesor Madya Dr Rohaya Mohd Nor serta Timbalan Rektor Hal Ehwal Pelajar, UiTM Sarawak, Profesor Madya Dr Rosita Suhaimi.



AGIHAN SERIBU BEKAS BUBUR LAMBUK ERAT SILATURRAHIM

Sebut sahaja bubur lambuk, pasti ramai dalam kalangan kita mengaitkannya dengan bulan Ramadan.

Bubur lambuk amat sinonim dengan bulan Ramadan Al-Mubarak dan sepanjang bulan yang mulia ini, ramai pihak akan menganjurkan acara memasak dan pengagihan bubur lambuk kepada orang ramai sebagai tanda mengeratkan silaturrahim.

UNIMAS tidak terkecuali dengan penganjuran agihan mengagihkan 1,000 bungkus bubur lambuk di hadapan pintu keluar kepada warga universiti, selepas tamat waktu bekerja

Majlis pengagihan bubur lambuk itu disempurnakan oleh Naib Canselor, Prof Dato' Dr Mohamad Kadim Suaidi, mana turut dibantu oleh Pengurus Bank Rakyat Wilayah Sarawak, Encik Faishal Salleh, Timbalan-timbalan Naib Canselor, Pendaftar, Pegawai-pegawai UNIMAS dan Bank Rakyat Kota Samarahan.

Majlis pengagihan bubur lambuk adalah acara tahunan anjuran Persatuan Pengurus UNIMAS (PPU) dan pada tahun ini dianjur dengan kerjasama Bank Rakyat cawangan Kota Samarahan.

Ia merupakan acara tahunan yang bertujuan mewujudkan kerjasama

di antara universiti dengan pihak luar dalam program yang menjurus kepada kebaikan dan kemasyarakatan.

Bubur lambuk merupakan juadah tradisi berbuka yang popular di Malaysia khususnya di Kampung Baru, Kuala Lumpur. Ianya dihasilkan dengan merenih beras dengan air untuk beberapa jam bersama rempah ratus dan daging. Bubur nasi ini sangat sesuai disajikan pada waktu berbuka kerana ia berkhasiat, mudah hadam dan sedap rasanya.



SURAU ABDUL RAHMAN IBN' AUF DIRASMIKAN

Surau Abdul Rahman Ibn' Auf yang bertempat di Fakulti Ekonomi dan Perniagaan (FEP) UNIMAS telah dirasmikan oleh Naib Canselor UNIMAS, Profesor Dato Dr' Mohamad Kadim Suaidi.

Kos pembinaan surau berkenaan adalah hasil kutipan wang dari pelbagai pihak termasuk staf dan pelajar UNIMAS sejak tahun 2014 dan pembinaan bermula setahun kemudian di mana surau berkenaan boleh menampung lebih 100 orang jemaah dalam satu-satu masa.

Majlis perasmian surau berkenaan turut disaksikan bersama oleh lebih 100 orang kakitangan dan pelajar UNIMAS.

Turut diadakan ialah penyampaian sumbangan berupa kipas untuk kegunaan para jemaah di surau berkenaan.

Naib Canselor dalam ucapan meluahkan rasa bangga dengan komitmen dan kerjasama

para staf dan pelajar FEP dalam menjayakan pembinaan surau berkenaan.

Beliau berkata, sewajarnya perkara yang baik seperti itu perlu dijadikan contoh kepada fakulti dan bahagian lain yang terdapat di universiti ini.

"Ia satu perkara yang baik dan saya berharap surau ini dapat dimanfaatkan pengunaannya sebaik mungkin. Ia boleh dijadikan pusat untuk semua pihak seperti tempat perbincangan, bersolat dan sebagainya."

"Saya berharap kerjasama sebegini dapat dicontohi oleh semua warga universiti ini," katanya lagi.

Turut hadir pada majlis tersebut ialah Timbalan Naib Canselor (Hal Ehwal Pelajar dan Alumni), Profesor Mohd Fadzil Abdul Rahman, Ketua Projek, Profesor Dr Shazali Abu Mansor dan Dekan FEP, Profesor Madya Dr Rohaya Mohd Nor.

SOARING UPWARDS

MALAYSIAN HIGHER EDUCATION

LONJAKAN PENDIDIKAN TINGGI NEGARA MENERUSI 'SOARING UPWARDS'

Karnival Pendidikan Tinggi Negara (KPTN) 2016 atau lebih dikenali Jom Masuk IPT telah berlangsung di Pusat Beli-Belah The Hills dan telah dirasmikan oleh Menteri Pendidikan Tinggi, Yang Berhormat Dato' Seri Idris Jusoh.

Pada karnival itu, turut diadakan jelajah 'Soaring Upwards' yang bertujuan untuk memberitahu kepada rakyat Sarawak mengenai perkembangan peningkatan yang berlaku dalam sistem pendidikan Negara.

Lebih 5,000 orang telah mendengar taklimat dari YB Dato' Seri Idris Jusoh dalam jelajah 'Soaring Upwards' berkenaan yang turut disertai oleh para pelajar, masyarakat setempat, para akademik dan Pegawai-pegawai dari Institusi Pengajian Tinggi Awam mahupun Institut Pengajian Tinggi Swasta.

Terdahulu dalam pembentangannya, Idris berkata istilah 'Soaring Upwards' atau Peningkatan Berterusan merupakan 'tagline' Kementerian Pendidikan Tinggi Malaysia.

Tagline 'Soaring Upwards' diguna untuk menggambarkan landskap pendidikan tinggi negara yang bertambah baik dan pada masa yang sama mengiktiraf bahawa usaha yang

berterusan diperlukan untuk terus melonjak pendidikan tinggi negara ke tahap yang lebih baik.

"Walaupun berdepan pelbagai cabaran namun kementerian berjanji akan memastikan rakyat mendapat sistem pendidikan yang terbaik dalam negara," katanya.

Turut hadir pada 'Soaring Upwards' ialah Timbalan Menteri Pendidikan Tinggi, YB Datuk Dr. Mary Yap Kain Ching, Naib Canselor Universiti Malaysia Sarawak (UNIMAS), Prof Dato Dr Mohamad Kadim Suaidi, Rektor Universiti Teknologi Mara (UiTM) Sarawak, Prof Datuk Dr Jamil Hamali.

'Soaring Upwards' merupakan salah satu pengisian sempena dengan Karnival Pendidikan Tinggi Negara (KPT) 'Jom Masuk IPT' yang diadakan selama dua hari di tempat yang sama.

Jelajah KPT 'Jom Masuk IPT' adalah bagi memberitahu kepada orang ramai khususnya pelajar tentang peluang yang terdapat di universiti awam, politeknik, kolej komuniti, Institusi Pengajian Tinggi Swasta (IPTS) dan pusat kemahiran seluruh negara serta cara permohonan kemasukan ke institusi pengajian tinggi (IPT) berkenaan.

Jelajah KPT 'Jom Masuk IPT' bukan sahaja melibatkan universiti awam tetapi juga Politeknik dan Kolej Komuniti di seluruh Negara.



NGEMANSANGKA BENCAWA BETENUN BA SIDA KE INDU

Kemaya ari tu, pemujur siko-siko orang tama ngagai palan pelajar tinggi nya siti ari pekara ti cukup manah tang enda semua orang mujur ngenataika diri ngagai tikas tu.

Dikena napi penanggul tu, Fakulti Seni Gunaan dan Kreatif Universiti Malaysia Sarawak Profesor Dr June Ngo Siok Kheng ngepunka tanya pansik dikenai mansik sida ti enda benasib nampung pelajar ba universiti tang bisi ati deka belajar pengawa betenun.

Ku Ngo bejaku maya betemu ba fakulti " aku nemu bisi sekeda sida ba luar din ngembuan pengingin ati deka ngaga pengawa bakatu enti sida diberi peluang. Lalu ba runding aku enggau cara bekunci ka penemu serta pengelandik ba pengawa betenun ulih mantu ngenanka asal pengawa betenun ari pupus."

Ngo tu siko orang ti ngembuan pengelandik ba pengawa nenun Songket sereta pegari ba pengawa di menua Semenanjung Malaysia

Ba Sarawak pengawa nenun Songket tu mega udah dipejalaika tang bedau cukup dikemeran ka ba dandang dagang menua baka Semenanjung Malaysia.

Ku Ngo "Tajapan Songket Sarawak enggau Semenanjung enda sebaka tang Songket ari dua bagi menua tu ngembuan pemanah kediri empu."

Ngo berengkah ngereja pengawa nenun Songket pengudah ya bejalaika siti pansik ke betajuk "Transforming the Traditional Malaysia Hand-Woven Songket into Contemporary Songket for Broader Apparel Usage" kira 13 tahun suba ianya dalam tahun 2003.

Lebih bejalaika pansik sepengelama 3 tahun setengah

nya, Dr Ngo mega mansik cara deka ngemansang Songket Tradisional Malaysia ngagai pengawa tekstil inovatif dikenai ngemansangka ekonomi negara ngena mayuh macam tuju.

Ngo mega bejalaika pansik senentang pemayuh bansa ubung enggau cara betenun ti ngasilka Songket ti ngembuan asil ti bekualiti, ngemansangka estiktika serta penyampat ngeluarka asil terun ba siti-siti maya.

"Lebuh nyadi pengajar ba pengawa tu meri awak ngagai aku bekunci ka utai ti udah dipelajarka aku enggau sida ti enda benasib masuk Universiti. Lalu ba penemu aku, tajapan sida enda ulih masuk universiti enti sida bisi pengera ngereja pengelandik bukai sida mega ulih nyulut ba pengidup" ku lya bejaku.

Ngo mega madahka enggau cara ngemeranka sida indu ti ba luar universiti ka pengawa bakatu ulih mantu sida ya besedia enggau pekara bukai ba pengidup lebih agi lebuh sida udah ngepunka dagang betenun tu.

Yayasan udah meri sukung ngagai pengawa Dr. Ngo tu kenyau ari 2008 nyentuk ka 2012 Rebak baru ke diambi belajar betenun tu mega udah mantu ngubah demografik sereta ngenanka tradisi betenun.

Tanoti Sdn Bhd udah mujur ditubuhka dikenai nyadi wakil penenun indu Sarawak serta fokus ngagai pengeluar asil dagang tu kelimpah ari ngemansang ka suku pemasar dagang serta nambah ka pemanah asil jari.

Kompeni tu mega mantu ngatur pemansang visi yayasan nyentuk ka saritu. Pia mega, kompeni ti bakatu ukai semina ulih ngenanka adat asal pengawa betenun tang mega narit komuniti pengelandik jari ke bukai lebih agi komuniti Orang Ulu ngagai dunya luar.



HADIAH BIASISWA UNTUK PELAJAR INDONESIA

Lapan orang pelajar antarabangsa prasiswazah dari Indonesia terpilih untuk mendapat Hadiah Biasiswa Antarabangsa UNIMAS (HBAU) yang pertama kali diperkenalkan tahun ini.

Penyerahan borang perjanjian HBAU tersebut telah disampaikan oleh Naib Canselor UNIMAS, Profesor Dato' Dr Mohamad Kadim Suaidi kepada lapan pelajar di pejabat Naib Canselor kelmarin.

Menerusi hadiah berasramaan, pelajar yang terpilih akan mendapat pengecualian yuran pengajian mereka selama satu tahun.

Naib Canselor dalam perjumpaan ringkas sempat memberi nasihat kepada pelajar terpilih HBAU itu untuk belajar bersungguh-sungguh semasa pengajian mereka di UNIMAS.

Beliau berkata, hadiah biasiswa itu adalah salah satu usaha universiti ini untuk membantu pelajar antarabangsa dalam pengajian mereka sekaligus sebagai dorongan untuk pelajar belajar bersungguh-sungguh.

Katanya, tahun ini, HBAU menyasarkan seramai dua puluh pelajar antarabangsa akan mendapat hadiah biasiswa berkenaan pada tahun ini.





Antara penerima dari kumpulan pertama HBAU ini ialah Muhamad Fikri dari Fakulti Ekonomi Perniagaan, Nurussa'adah Yusfar, Faqih Kartika Kurniati dan Tengku Aufar Azhari (dari Fakulti Sains Sosial), Irfan Haris (Fakulti Seni Gunaan dan Kreatif), Ilma Amalia dan Chairunnisa Salma Fitriani (Fakulti Sains Komputer dan Teknologi Maklumat) dan Handy Priyo Nurjyanto (Fakulti Kejuruteraan).

Salah seorang penerima, Tengku Aufar Azhari dari Medan Indonesia berkata, pemilihan beliau ini dilihat sebagai tuah buat beliau kerana ia dapat membantu meringankan beban keluarga untuk pengajiannya di sini.

"Saya amat bersyukur kerana dipilih untuk menerima HBAU ini. Keluarga saya amat la diberitahu tentang berita ini."

Muhamad Fikri dari Pontianak, dilihat kesediaan UNIMAS ini harus dijadikan contoh membantu meningkatkan rantaui ini.



Beliau berkata, sebagai seorang pelajar dari negara luar, kos perbelanjaan pengajian termasuk sara diri adalah tinggi berbanding pelajar tempatan.




"Saya memang terfikir untuk mencari pekerjaan sambilan tetapi disebabkan saya masih di peringkat awal pengajian maka banyak yang masih perlu dipelajari. Saya juga bersyukur dan berterima kasih kepada UNIMAS atas bantuan ini," katanya.

Sementara itu, Nurussa'adah Yusfar juga bersyukur kerana terpilih mendapat HBAU yang pertama ini dan berjanji akan menggunakan peluang untuk belajar di universiti ini dengan sebaik mungkin.

"Saya berharap mendapat bantuan lain juga dan saya berterima kasih kepada UNIMAS atas bantuan ini," katanya yang berasal dari Pontianak, Indonesia.





New Release...



- Researching Society and Social Relations in Sarawak
- Contemporary Research on Work Life Balance in Malaysia
- Performance Appraisal System for Organisation
- Biodiversity of Tropical Peat Swamp Forests of Sarawak
- Perkataan Asing Dalam Bahasa Arab
- Population Ageing: Trends And Challenges In The 21st Century

Inaugural Lecture Series



CAIS Book Gallery Operating Hours :
Weekdays (Monday - Friday)
8.45am - 12.45pm, 2.15pm - 4.30pm

We welcome book proposal from all. Please forward your proposals to:

Editorial Unit, UNIMAS Publisher,
fifth floor, Bangunan Canselori,
Universiti Malaysia Sarawak.